

# **MA NI HPE SHARIN ACHYIN YA NA AHKYAK AI LAM**

**Ma kaji hpe shi hkan sa ra ai lam  
sharin ya u: shaloi shi dingla wa jang,  
dai kaw na shi yit kau na n rai.  
Ga Shagawp 22:6**



## Kanu Kawa ni a matu

Yu mu, kashu kasha ni gaw, dai Madu a sali wunli rai nga ai: hkritung na asi gaw, shi a shabrai rai nga ai. Shakawn Kungdawn 127:3.

Tinang a dawhkrawng n lang ai wa gaw, kasha hpe ndawng nga ai: Kasha hpe tsaw ra ai wa chyawm gaw, aten dep daru sharin nga ai. Ga Shagawp 13:24

Yehowa hpe hkrit hkungga ai myit hta nden ja ai myit rawng nga ai rai nna, shi a kashu kasha ni shingbyi shara lu la na mara ai. Ga Shagawp 14:26

Myit mada shara naw nga nga yang, na a kasha hpe sharin shaga u, Shi a hkrapngu hkrapngoi ai hpe, na a myit masin hkum matsan dum et. Ga Shagawp 19:18  
Angawk ai lam gaw ma kaji a kraw lawang hta gyit da nga ai; shading sharai ai dawhkrawng chyawm gaw, dai hpe tsan tsan de shaden kau na ra ai. Ga Shagawp 22:15  
Ma hpe shading sharai ai lam hkum hkum da et: kaning rai nme law, nang shi hpe ri hte kayat yang, shi si na ra ai n rai. Nang shi hpe kayat nna, ngarai mung na shi a asak hpe hkye la na rin dai. Ga Shagawp 23:13-14

Rit hte shadum jahprang ai gaw, hpaji byeng-ya jaw nga ai: Tinang hkrai sha tawn da ai ma chyawm gaw, kanu hpe kaya jahkrum nga ai. Ga Shagawp 29:15

Na nsha hpe shading sharai u, shaloi shi nang hpe ban sa shangun na ra ai; gaja wa, shi gaw na a myit masin hpe kabu gara shangun na ra ai. Ga Shagawp 29:17  
Na a kashu kasha ni yawng mung dai Madu sharin achyin ya na mara ai; na a nshu nsha ni a ngwi pyaw ai lam mung kaba na ra ai. Esaia 54:13

Ma ni a matu

Dai Madu na a Karai Kasang nang hpe jaw ai mungdan hta nang asak galu lu hkra, na nnu yan nwa hpe hkungga lara di u. Pru Mat Wa Ai Laika 20:12

Ngai sha e, dai Madu sharin shaga ai hpe hkum n gawn n sawn di et; shi a sharin shaga ai hta hkum hki ba et: kaning rai nme law, dai Madu tsaw ra ai wa hpe, sharin shaga nga ai; Kawa gaw tinang a sharawng awng ai kasha hpe jaw ai zawn rai nga ai. Ga Shagawp 3:11-12

Shawlumon a ga shagawp ni. Hpaji rawng ai kasha gaw kawa hpe kabu shangun nga ai: Angawk ai kasha chyawm gaw, kanu hpe shayawn nga ai. Ga Shagawp 10:12.

Nang hpe shaprat ai na nwa a ga madat u, Na nnu asak kaba wa jang, hkum n gawn n sawn di et. Ga Shagawp 23:22

Ma ni e, nanhte a kanu kawa ni a ga madat mara nga mu: dai gaw mai kaja nga ai. Na nnu nwa hpe hkungga lara di u; dai gaw ga ndat lawm ai shawng na hkang da ai ga rai nga ai; Shingrai, nang ngwi pyaw nga nna, ga ntsa e asak galu na rin dai. Ehpesu 6:1-3.

Na a nwa hpe na a myit masin mahkra hte hkungga lara di nna, nnu a yawn hkyen ai hpe hkum malap kau et. Nang gaw shanhte a kasha rai nga ndai hpe adum nga u; shanhte nang hpe galaw ai amu hpe nang kaning rai bai htang lu na n ta? Hpaji Ningli 7:27-28

Anhte a ma ni hpe sharin shaga yang, ya aten hta hkrap tim, htawm hpang hta pyaw na re. Anhte a ma ni hpe n sharin shaga yang, ya shanhte pyaw tim, htawm hpang hta hkrap na re.

Ma ni gaw anhte mungdan a shawng lam rai nga ai. Raitim, shanhte gaw sharin achyin ai lam n nga ai sha asak kaba wa na rai yang, anhte a mungdan a shawng lam gaw gara hku rai na kun?

Masha kaba langai a n kaja ai akyang lailen yawng gaw, shi ma kaji aten hta n shading sharai ai, n sharin shaga ai lam ni rai nga ai.  
Karai Kasang hpe hkrit hkungga ai ma ni hpe bau maka ra ai.

Ngai gaw hkrung ai ga yun langai mi la ai  
Dai hpe shani shagu sumnung shingdi ai hku galaw ai  
Shaning ni lai mat wa ai shaloi ngai bai sa wa ai  
Ngai yu ai masha langai mi re  
Shi gaw dai shawng na impress hpe naw bu hpun nga ai  
Bai nna ngai shi hpe galoi mung n galai shai lu sai